

四庫全書

子部

欽定四庫全書

玉海卷二百四

宋 王應麟 撰

辭學指南

箴

序云箴辭用韻語末云敢告云云

紹聖試格如揚雄百

官九州箴之類箴銘

贊頌並逐句空字

箴者諫誨之辭若箴之療疾故名箴

盤庚無伏小人
之攸箴庭燎因

以箴之名公曰師箴
師曠百工誦箴諫

文心雕龍曰夏商二箴餘句頗

存夏箴見于周書文傳篇商箴見于呂氏春秋名類

篇

又謹聽篇
有周箴

周辛甲為大史命百官官箴王闕虞人

掌獵為箴漢揚雄擬其體為十二州二十五官箴後

之作者咸依倣焉隋杜正藏舉秀才擬匠人箴擬題

肇於此唐進士亦或試箴

顯慶四年試貢士箴開元
十四年考功箴廣德三年

轅門箴建中
三年學官箴

周虞人箴

芒芒禹迹畫為九州經啓九道民有寢廟獸有茂草
各有攸處德用不擾在帝夷羿冒于原獸忘其國恤
而思其麀牡武不可重用不恢于夏家獸人司原敢

告僕夫

告僕夫不
敢斥尊

東萊先生曰凡作箴須用官箴王闕之意各以其官所
掌而為箴辭如司隸校尉箴當說司隸箴人君振紀綱
非謂使司隸振紀綱也如廷尉箴當說人君謹刑罰非
謂廷尉謹刑罰也

箴尾須依虞箴獸臣司原敢告僕夫之類

止是隨題日改如上林清

臺箴則云史臣司天宗正箴則云宗臣司族廷尉云官臣司刑司隸校尉云官臣司直太常云禮臣司典其下句敢告隨韻改之大抵如敢告贊御敢告僕臣之類是也

西山先生曰箴銘贊頌雖均韻語然體各不同箴乃規諷之文貴乎有警戒切劘之意詩庭燎污水等篇左氏

虞人箴揚子雲百官箴

古文苑

張茂先女史箴白居易續

虞人箴柳公綽太醫箴王元之端拱箴文粹中諸箴可

寫作一帙時時反復熟誦便知體式

出箴用官名須先理會置官之意

謂如將作大臣則戒宮室之侈虞人則戒

游田之數程文中唯上林清臺考工令箴最佳可以為法

箴者下規上之辭須有古人風諫之意惟官名可以命題所謂百官官箴王闕各因其職以諷諫如出周保章箴則當以敬天為說其他皆然又有非官名而出箴者

若宣室上林清臺之類亦當引從規諷上立說

箴題最多自周禮外歷代百官表志

前漢後漢唐

皆當詳考

凡其名雅馴者皆可出又有散在傳記間者如周陶正

不在周禮而在左傳舜樂正不在虞書而在荀子須着

意搜尋然後無遺忘

箴銘題有雜出於他書者只兩字易于漏失

東萊先生考工令箴監于太宗罷露臺役一言興邦萬

杵咸息監于中宗肅然齋居器械技巧圭黍莫誣

就用漢事

可以為式

王器之騎郎將箴考官批云就用漢事為箴甚佳

所引吸廣

輦諸卷所不及

王器之曰劉才邵宣室箴序甚有意四字語差不及

胡廣百官箴叙曰箴諫之興所由尚矣聖君求之於下
忠臣納之于上故虞書曰予違汝弼汝無面從退有後

言墨子著書稱夏箴之辭

文心雕龍曰揚雄稽古始範
虞箴卿尹州牧二十五篇及

崔胡補綴總稱百官所謂追
清風于前古攀辛甲于後代

題

太史

紹聖
丙子

漢宣室

宣和庚子
紹興乙卯重出

漢上林清臺

紹興
戊辰

漢考工令

庚辰

周師氏

隆興
癸未

武學

乾道
己丑

周司會

淳熙
丁未

漢詩博士

嘉定
戊辰

漢內史

辛未

漢騎郎將

庚辰

漢護羌校尉

癸未

周陶正慶元
巳未

漢講郎紹定
巳丑

漢湯官丞淳祐
甲辰

漢式道候庚
戌

周馮相氏寶祐
癸丑

堯謁者開慶
巳未

漢公車令咸淳
乙丑

銘

序云云銘詩用韻語

銘聖試格如張孟陽劔閣銘柳宗元塗山銘之類

政和元年試格歷代史故事借擬為題如周成王封泰山頌張衡渾天儀銘之類

銘始于黃帝漢藝文志道家有黃帝銘六篇

應劭曰盤孟諸

書黃帝史孔甲所作銘也

禹銘筍虞湯銘于盤

銘者名也因其器名書以為戒也

武王聞丹書之言為銘十六臧武仲曰夫銘天子令

德諸侯言時計功大夫稱伐文心雕龍曰夏鑄九鼎

周勒楛矢令德之事也呂望銘昆吾仲山鏤庸器計

功之義也魏顥景鐘孔悝衛鼎稱伐之類也蔡邕銘

論曰德非此族不在銘典詩傳曰作器能銘可以為
大夫考工記嘉量有銘文選序曰銘則序事清潤陸
倕石闕漏刻二銘皆有序張載劔閣銘末云勒銘山
阿敢告梁益則寓儆戒之旨隋杜正元舉秀才擬燕
然山劔閣銘杜正藏擬弓銘唐崔渙還調吏部侍郎
嚴挺之施特榻試彛尊銘謂曰子清廟器故以題相
命建中三年進士別頭試歌器銘興元元年朱千銘
則以銘試士尚矣

東萊先生曰詹仲和輔渠銘序極佳但須便說內史兒
寬言為妙

西山先生曰古之為銘有稱述先人之德善勞烈者衛
孔悝鼎銘是也有著儆戒之辭于器物者如湯盤銘武
王几杖楹席之銘是也今詞科所作雖未能全復古體
亦須略倣其意可也銘題散在經傳極多自器物外又
有用山川溝渠宮室門闕為銘者若劍閣泗水亭銘是也如唐駐
蹕山銘則所以揚人主之威武如劍閣銘則所以戒殊

俗之僭叛或出此等題又當象題立說苟無主意止于
鋪叙何緣文字精神

銘文體貴乎簡約清新大抵以程文為式熟讀前代韵
語以為命意造語之法

趙大本唐黃道游儀銘序粵十三年龍尾伏辰之月哉

生明以游儀成奏

此年月只是
銅儀非游儀

詔置景運

此門唯置銅
儀集賢注

記載游儀之下續云十三年十月
十月癸丑銅儀成志十一年游儀成會要以為十三

年十月

三日

劉三傑試漢瓚槃銘序云先儒釋經不明先鄭後鄭云
曰大曰容尺升備載不記八寸一尺

李獻之黃道游儀銘序越既四載王器之抹四載字謂
十三年乃銅儀又抹景運字此門唯置銅儀

陳壽南中選孝宗曰鐵簾銘題目甚新峴為銘亦好

文心雕龍曰箴貴確切銘貴弘潤事必覈以辯文必簡
而深

朱文公曰武王諸銘有切題者如鑑銘是也亦有不可

曉者古人只是述戒懼之意隨所在寫以自儆今人為
銘要就此物上說得親切如湯盤銘之類

題

歌器

紹聖
乙亥

分賜鏤文紅管御筆

元符
己卯

玉磬

崇寧
壬午

夏禹九鼎

政和
辛卯

漢宣德殿馬式

壬辰

漢楚龍淵

宣和
癸卯

漢輔渠

紹興
戊午

克敵弓

壬戌

黃帝景鍾

戊辰

漢瑄玉

阜末

漢芝車

甲戌

漢廟鼎

丁丑

漢玉卮

乾道
丙戌

周太常

壬辰

唐黃道游儀

得熙
乙未

禹待賢簾

辛丑

漢漏刻四十八箭

甲辰

新製鐵簾

丁未

魯鼓

紹熙
庚戌

漢綠車

癸丑

漢律準

慶元
丙辰

漢瓚槃

嘉泰
壬戌

漢農輿

寶慶
丙戌

堯諫鼓

紹定
壬辰

周元戎

嘉熙
戊戌

熙寧神臂弓

辭
學

周九和弓

淳祐
丁未

唐武庫大弓

寶祐
癸丑

堯衢室

丙
辰

漢名馬式

景定癸亥
辭學重出

漢安車

咸淳
戊辰

少皞氏度量

甲戌

記

末云謹記 今題云臣謹記

記者紀事之文也西山先生曰禹貢武成金縢顧命
記之屬似之文選止有奏記而無此體古文苑載後
漢樊毅修西嶽廟記其末有銘亦碑文之類至唐始

盛獨孤及風后八陣圖記今之擬題倣此若今題則以承詔撰述者為式

東萊先生曰記序有混作一段說者有分兩節說者如未央宮先畧說高帝蕭何定天下作宮一段乃說為之

記曰

此下立意或說奉若天道建邦設都或說都邑四方之極皆得

作記有叙其事于首者如宮殿經始於某年某月落成於某年某月之類先說在頭一段然後人為之記曰云云周子充漢未央宮記首云漢高皇帝云云八年丞相

蕭何始治未央宮云云是也有叙其事于尾者如詹叔
義漢城長安記末云城肇功於元年正月已事于五年
九月云云為門者十有二南北則象斗形云云洪景伯
唐勤政務本樓記末云樓成于開元二年之九月云云
是也

凡作文字先要知格律次要立意次要語贍所謂格律
但熟考總類可也所謂立意如學記泛說尚文是無意
也須就題立意方為親切柳子厚柳州學記說仲尼之

道與王化遠邇此兩句便見嶺外立學不可移于中州

學校也所謂語贍如韓退之南海神廟文乾端坤倪軒

豁呈露一段老蘇兄渙字序說風水一段是也雖欲語

贍而不可太長

謂專事
言語

不可近俗

如青編中對聖賢語
黃卷上從古人游之

語皆是不可多用難字

熟看轉柳歐蘇先見文字體式
然後偏攷古人用意下句處

又須作一冊編體制轉換處不拘古文與今時程文大

畧編之如喜雨亭記亭以兩名志喜也柳文宣王廟碑

仲尼之道與王化遠邇似此之類此作記起頭體制也

歐公真州發運園記中間一節此記中間鋪叙體制也
柳萬石亭記附零陵故事之類此記末後體制也

西山先生日記以善叙事為主前輩謂禹貢顧命乃記
之祖以其叙事有法故也後人作記未免雜以論體詞
科所試唯南渡前元豐尚書省飛白堂等記及紹興新
修太學記猶是記體皆可為法後來所不逮須多讀前
輩叙事之文則下筆方有法度益有出處事多如唐折
衝府者出處事少如漢步壽宮者事多貴乎善剪裁不

然則繁冗矣事少責乎鋪張不然則枯瘠矣

如漢金城屯田出處

幾五士板而欲欽為一篇漢步壽宮出處牌數句而欲演為一記須將本科之文如此類者細觀其布置之法事多者筆端自為融化不全用古人本語事少者自作一規模不使局趣則得之矣

記題最多如宮室興造制度名物皆可為題須詳加編纂庶無遺失

記序用散文須揀擇韓柳及前輩文與此科之文相類

者熟讀

韓南海神廟碑柳興州江運記蘇儲祥官碑之類凡文體嚴整者皆是又曰版典則簡嚴者為作

文之式 作文貴乎嚴整不可少類時文須忌之乎者也
虛字重字太多

字痛自裁節累舉程文可以槩見茲不詳述

記序以簡重嚴整為主而忌堆疊窒塞以清新華潤為

工而忌浮靡纖麗

文心雕龍曰思贍者善敷才數者善刪善刪者字去而意留善敷者辭殊

而義顯字刪而意缺則短辭敷而意重則蕪
旋學在博缺事貴約

朱文公日記文當考歐曾遺法料簡刮摩使清明峻潔

之中自有雍容俯仰之態

人曰歐文敷腴溫潤南豐文峻潔坡文雄健水心曰如

歐公吉州學豐樂亭南豐擬峴臺道山亭荆公信州興造桂州修城記

張文潛曰文人好奇者或為缺句斷章使脉理不屬又

取古人訓誥希於見聞者衣被而說合之反覆咀嚼卒亦無有此最文之陋也

石林曰今世文章只是用換字減字法

張伯玉吳郡六經閣記云六經閣諸子百家皆在焉不書尊經也

元祐中新作御史臺詔曾子開為記其畧曰責人非難責已為難云云惟其不難于責已則施于責人能稱其任矣苟異于是得無餒于中哉世以為名言

平齋曰如漢郡國風俗本末唐山河兩戒等記若非平

居攷訂成次序寸晷之下雖以全史繙閱殆未易着手
陳自明試已入等以試卷申省進呈同試之人指其微
類摘周五射記用裏尺字以為犯濮安懿王諱未與推
恩侍從言記問文采迥出流輩既單用裏字初不從言
雖曰同音即是嫌名自不應避詔與下等推恩

紹熙元年試慶

元四年
推恩

淳熙八年先取二名內一名第六篇記漏寫限三百字
以上止取莫叔光

今題式

曾子開重修御史臺記首云元祐三年新作御
史臺有詔臣某為之記云云末云輒因承詔誦
其所聞以告在位者使有以仰稱列聖褒大崇
顯之意焉

東萊隆儒殿記首云仁宗皇帝皇祐紀元之三
載云云末云臣既述其事謹待制旨而勒之右
周益公選德殿記首云皇帝踐阼以來宮室苑

園無所增修獨闢便殿于禁垣之東名之曰選
德云云一日命臣汝為之記臣愚學不足以推
廣聖意詞不足以鋪陳盛美謹采詩禮云云次
第其說末云陛下神聖必于此有得焉而臣何
足以知之

題

耜田

紹聖
丁丑

元豐新修尚書省

丁丑
別試

思文殿

元符
戊寅

詔賜宗室坐右銘

己卯

重摹太宗皇帝御飛白書玉堂

庚辰

宗子學

靖國
辛巳

重修祕閣

崇寧
壬午

重修都亭驛

癸未

新建殿中省

丙戌

新建書學

大觀
己丑

唐集賢殿書院

政和
辛卯

漢六輔渠

壬辰

唐修文館

癸巳

唐學士院

甲午

唐洛陽宮

乙未

唐太微宮

丙申

漢麒麟閣名臣圖

丁酉

唐史館

戊戌

新修龍德太一宮

宣和
巳亥

唐花萼相輝樓

辛
丑

大唐雅樂

甲
辰

唐八坊

建炎
戊申

唐折衝府

紹興
乙卯

漢城長安

戊
午

唐勤政務本樓

壬
戌

唐凝暉閣
渾天儀

乙
丑

紹興新修太學

戊辰

唐慶善官

阜未

咸平龍圖閣五經圖

甲戌

繡衣鹵簿

丁丑

少皞氏官名

庚辰

漢武功爵

乾道丙戌

唐義倉

巳丑

漢南北軍屯

壬辰

漢漕渠

淳熙乙未

周乘馬法

戊戌

漢雒陽城十二門

辛丑

漢太初官名

甲辰

漢步壽宮

丁未

周五射

紹熙庚戌

漢建武封功臣

癸丑

漢增置郡國

慶元己未

漢永平車服制度

嘉泰
壬戌

漢留田十二便

開禧
乙丑

周四學

嘉定
戊辰

漢七郊

辛未

唐十六衛

甲戌

漢剖符封功臣

丁丑

唐十道山川

庚辰

唐鹵簿

癸未

漢功臣增邑更封

寶慶丙戌

漢西域都護

壬辰

漢四姓小侯學

端平乙未

漢論功定封

嘉熙戊戌

天聖廣科目

辭學

大中祥符皇族諸院入學

己亥辭學

淳化常平倉

庚子辭學

漢郡國鹽鐵官

淳祐辛丑

周復舊域

甲辰

周畿內貢法

丁未

景祐權量律度式

庚戌

皇祐鎮國神寶

寶祐
癸丑

周山川圖

丙辰

漢郡縣山川風俗

開慶
巳未

漢五屬國

景定
壬戌

初置文思院

癸亥
辭學

周爵名

咸淳
乙丑

虞米廩

戊辰

周采地

甲戌

贊

頌說
附

序云云贊曰云云

贊者贊美贊述之辭文選序曰圖像則贊興文章緣起曰司馬相如作荆軻讚班史以論為贊范曄更以

韻語

隋志曰後漢魯廬江有名德先賢之贊蜀楊戲著季漢輔臣贊漢明帝殿閣畫陳思王為贊

夏侯湛東方朔畫贊序云云乃作頌焉其辭曰云云
袁宏三國名臣序贊序云云故復撰序所懷以為之
贊云云先序後贊與今體相類唐建中二年進士
以箴論表贊代詩賦此試贊之始中興書目云顧雲
鳳策聯華三卷有補十八學士寫真像贊安西都護
府重築碎葉城碑皆因舊事而作亦擬題之類也

西山先生曰贊頌皆韻語體式類相似贊者贊美之辭
頌者形容功德然頌比於贊尤貴瞻麗宏肆

頌鋪張揚
厲以典雅

豐編
為貴

昌黎聖德詩徂徠慶厯頌此正格也其用事造語

最忌塵俗須熟讀三百篇博觀司馬相如揚雄諸賦與夫漢郊祀歌文選所載二京三都七啓七發之類及韓柳文韻語文字則筆下自然豐腴矣

更將選擇及本朝歐蘇諸公所作凡四言韻語之文誦味吟哦便句中有意于鋪張揚厲之中而有雍容俯仰頓挫起伏之態乃為佳作若止將華言綺語一向堆疊而無風味韻致亦何足取哉

李充翰林論曰贊宜辭簡而義正
梁武帝謂郊廟

歌辭應須典詰大語不
得雜用子史文章淺言

唐說齋寶奎殿御書贊序云慶厯二載

無月日 實錄正月辛未

云煥乎堯章親加紀述

實錄命宰臣呂夷簡撰記

皆有缺誤

題

御書無逸圖

紹興乙卯

漢麟趾裏䟽

乙丑

漢寶鼎神策

甲戌

寶奎殿太宗皇帝御書

庚辰

漢諸葛亮八陣圖

乾道
己丑

天禧御製元良述

壬辰

淳化大射圖

淳熙
乙未

御製敬天圖

戊戌

景德龍圖閣中庸圖

紹熙
癸丑

大中祥符御製太宗皇帝聖文神筆頌

嘉泰
壬戌

天禧清景殿書事詩

開禧
乙丑

慶厯觀文鑒古圖

嘉定
戊辰

大中祥符館閣御製

甲戌

唐開元十八學士圖

丁丑

高宗皇帝書車攻詩

庚辰

乾道御製春賦

癸未

皇祐邇英閣無逸孝經圖

寶慶丙戌

周武王丹書

端平乙未

大中祥符御製守官箴

嘉熙戊戌

慶厯邇英聖問

庚子辭學

唐開元二十二賢圖

淳熙
辛丑

天聖崇政殿講論語賜御飛白書

甲辰

慶曆三朝訓鑒圖

丁未

慶曆新修太常禮

開慶
巳未

御書賜皇太子講堂新益二字

景定
辛酉
詞學

高宗皇帝御書儒行篇

壬戌

孝宗皇帝御書益稷篇

咸淳
甲戌

頌

序云云頌曰云云

紹聖試格如韓愈元和聖德詩柳宗元平淮夷雅之類

詩有六義六曰頌莊子曰黃帝張咸池之樂有焱氏
為頌文心雕龍曰帝嚳之世咸墨為頌以歌九韶商
周及魯皆有頌所以游揚德業褒讚成功隋杜正元
舉秀才擬聖主得賢臣頌唐開元十一年進士試黃
龍頌十五年試積翠宮甘露頌宋朝淳化三年楊億
於學士院試舒州進甘露頌遂賜及第則試頌尚矣
宋書曰鮑照為河清頌其序甚工頌詩有序亦不可

畧也

有終篇同韻者如元和聖德詩有四句換韻者如平淮西碑歲銘贊倣此

西山先生曰

見贊類

累舉以前程文唯渡江以前之文如

導洛通汴北郊慶成大河東流紹聖元會皆妙絕不可不熟讀

文心雕龍曰擬清廟範駟邠 崔爰文學蔡邕樊渠

並致美于序而簡約乎篇 取鎔經意自鑄偉辭

又曰賈誼枚乘兩韻輒易劉歆桓譚百句不遷亦各有其志也昔魏武論詩嫌于積韻而善于質代陸雲亦稱

四言轉句以四句為佳

金樓子曰班固頌學尚云贊頌相似

癸未陳自修試閱武頌及露布冠絕一場表中有瑕疵不取知舉言文詞警拔詔注教官

王器之漢西域三十六國內屬頌序云小國二十有七九次大國紀述其事備於班固列傳列叙其國見于荀悅漢紀總而名以內屬則有范曄所著本傳存焉

敘事之法

題

紹聖元會

紹聖丙子

導洛通汴

丁丑

北郊大禮慶成

丁丑
別試

大河復東流

元符
戊寅

端誠殿芝草

庚辰

皇帝展事于郊丘

靖國
辛巳

崇寧聖德

崇寧
癸未

崇寧繼述聖政

丙戌

大慶殿受八寶

大觀
己丑

堯大章

政和
癸巳

黃帝封泰山

甲午

漢祀雍獲一角獸

乙未

漢函德殿金芝

丙申

圓象徽調閣奉安隆籙

丁酉

漢神魚舞河

戊戌

漢三雍

宣和
己亥

漢開籍田

辛丑

漢甘露降未央宮

壬寅

漢單于朝甘泉宮

甲辰

周成王蒐岐陽

紹興壬戌

明道藉田

乙丑

皇祐紫宸殿奏大安樂

辛未

漢紫壇

丁丑

太祖皇帝閱武便殿

隆興癸未

舜韶箎

乾道丙戌

唐涇陽受回紇獻功

壬辰

唐獻獲大安宮

淳熙
戊戌

天禧太清樓觀書

辛丑

皇祐御製明堂樂舞

甲辰

紹熙孟春皇帝朝獻景靈宮禮成

紹熙
庚戌

乾德初郊禮成

慶元
丙辰

景祐高禩壇

乙未

漢闕里作六代樂

開禧
乙丑

舜五樂

嘉定
甲戌

唐紫微殿受龜茲俘

丁丑

漢西域三十六國內屬

庚辰

唐興安門受俘

紹定
壬辰

孝宗皇帝閱武白石

端平
乙未

皇祐寶岐殿觀麥

淳祐
辛丑

唐突利請入朝

庚戌

漢華平

寶祐
丙辰

漢行饗食禮

景定
壬戌

淳熙煥章閣藏高皇帝御集

咸淳
乙丑

天聖五色雲

戊辰

序

末云謹序 今題云臣謹序

紹聖試格如顏延
之王融曲水詩序

之類

序者序典籍之所以作也文選始于詩序而書序左
傳序次之宋朝端拱元年王元之試詔臣僚和御製

雪詩序遂為直史館則試序亦舊制也

東萊先生曰作記序若要起頭省力且就題說起謂如太宗金鑑書序則便說太宗皇帝云云說鑑治亂賢不肖之意如花萼相輝樓記則便說唐元宗明皇帝云云說兄弟友悌之意不可汎說功德須便入題意

西山先生曰序多以典籍文書為題序所以作之意此科所試其體頗與記相類姑當以程文為式而措辭立意則以古文為法可也

書目有異同者如南豐戰國策目錄序末云此書有高誘注者二十一篇或云三十二篇崇文總目存者八篇今存者十篇云

卷數有序于首者如唐開元禮序云明皇帝之十四年云云為開元禮一百五十卷是也有序于末者如唐大衍歷序云其書有歷術七篇歷議十篇略例一篇云是也

徐子儀甘石巫咸三家星圖序引周禮筮人巫咸事按

本處注巫字當為筮非殷之所謂巫咸貢院言是旁證
即非本處有差未敢取故開院日知舉請與陞擢

是年試者

二十
四人

今題式

周益公皇朝文鑑序首云臣聞云云賜名曰皇
朝文鑑而命臣為之序云云末云臣雖不肖尚
當執筆以頌作成之效云

韓子蒼國朝會要序首云臣聞云云末云若其

條貫舛謬辭語淺薄臣之罪也無所逃戾冒昧
聖覽惟陛下幸赦之

題

邇英閣無逸孝經圖

後序 紹
聖乙亥

三朝寶訓

元符
戊寅

御書孝經千字文勒秘閣贊碑陰

後序
己卯

占天萬年曆

崇寧
癸未

新脩六典

政和
癸巳

唐大衍歷

宣和
巳亥

唐開元禮

庚子

唐羣書四錄

壬寅

新脩汴都志

癸卯

漢定著三十五家兵法

建炎
戊申

統元歷

紹興
乙卯

唐會要

戊午

漢五家要說章句

壬戌

漢中和樂職宣布詩

乙丑

唐通典

戊辰

漢石渠議奏

辛未

漢靈臺十二門詩

甲戌

漢白虎議奏

丁丑

唐文思博要

庚辰

漢輿地圖

隆興癸未

邇英延義二閣記注

乾道丙戌

漢陸賈新語

巳丑

唐帝範

溥熙
乙未

漢十八家歷譜

戌戌

漢元功侯籍

辛丑

唐車輿衣服令

甲辰

唐武德貞觀兩朝史

丁未

晉摯虞文章流別集

紹熙
庚戌

唐羣書治要

癸丑

唐太宗政典

慶元丙辰

漢建武詔書

巳未

唐乾元殿四部書

嘉泰壬戌

唐八厯

開禧乙丑

唐太宗集

嘉定戊辰

唐開元厯議

辛未

甘石巫咸三家星圖

甲戌

嘉祐昭文館書

丁丑

周時訓

癸未

唐秘書四部圖籍

寶慶丙戌

淳化秘閣羣言

壬辰

漢十二家論語

端平乙未

漢二十一家天文

嘉熙戊戌

皇祐御撰明堂樂曲

巳庚
辭學

周職錄

淳祐辛丑

唐開元著錄

丁未

周史記

庚戌

漢鹽鐵論

寶祐
癸丑

天禧編御集

丙辰

唐定戎闕圖

開慶
乙未

夏箴

景定
壬戌

唐六十一家儀注

成淳
乙丑

周官三易

戊辰

唐六經法言

甲戌

試卷式

本貫云云應博學宏辭具官姓某年若干

一 習制誥詔書表露布檄箴銘記贊頌序

一 出身

一 無過犯

一 三代

一 合家口

一 今試

如曾試亦
開具年分

奉

試博學宏辭二首

第一首

題

限
字以上

第二首

同前

塗注乙

制誥詔表露布檄箴銘贊頌

限二百字以上

記序

限三百字以上

凡言

祖宗及上字並別行言聖恩之類並空字箴銘贊頌逐句空字

辭學題名

乙亥

黃符

羅畸

高茂華

趙鼎臣

慕容彥逢

丙子

林虛

劉奔

滕及

丁丑

吳茲

周燾

王孝迪

方叔震

別試

吳玠

戊寅

丘廊

吉觀國

王天倪

己卯

謝敷

庚辰

葛勝仲

辛巳

晁詠之

程量

孫宗鑑

壬午

王雲

石恣

謝潛

癸未

祝天輔 杜林

丙戌

孫近 王劭

己丑

樊察 李軌 李子奇

以上宏辭三十一人

兄弟
二吳

辛卯

譚世勣 蔡經國 俞投能

壬辰

滕康

盧益

李熙靖

薛倉舒

癸巳

孫傳

甲午

孫靚

王志古

滕庚

乙未

胡交修

李木

張志

丙申

曹中

艾晟

王諶

丁酉

李正民

薛嘉言

宋惠直

戊戌

崔嗣道

宇文彬

張守

己亥

陸韶之

王俊

李長民

庚子

范同

劉才邵

歐陽瓌

辛丑

李公彥

壬寅

曾益柔

癸卯

秦檜

甲辰

何掄

袁植

戊申

袁正功

以上辭學兼茂三十六人

滕李袁三家
兄弟相踵

乙卯

王璧

石延慶

戊午

詹叔羲

陳巖肖

王大方

壬戌

洪遵

沈介

洪造

後改
名造

乙丑

湯思退

王暉

洪邁

戊辰

周麟之

季南壽

辛未

莫冲

葉謙亨

甲戌

莫濟

王端朝

丁丑

周必大

庚辰

唐仲友

癸未

呂祖謙

丙戌

魯可宗

己丑

姜凱
許蒼舒

壬辰

傅伯壽
湯邦彥

乙未

李嶽

趙彥中

戊戌

周洎

倪思

辛丑

莫叔光

甲辰

李拱

丁未

陳峴

庚戌

陳晦

癸丑

陳宗召

壬戌

陳貴謙

乙丑

寶祐四年丙辰博學宏辭

第一場二首

二月十一日試

昭慶軍承宣使左金吾衛大將軍荆湖北路安撫副使兼知鄂州授寧武軍節度使龍神衛四廂都指揮使夔路安撫使兼知夔州兼提領措置屯田兼控扼瀘叙昌合四州邊面加食邑食實封制

門下建齋苑而啓鎮密聯廂部之班分帥閫以留田兼

飭邊城之備乃瞻承流之雋夙參宅收之權兵農方急于坤維表裏載更於師律王言作命士聽無譁昭慶軍承宣使左金吾衛大將軍荆湖北路安撫副使兼知鄂州某沈毅而善謀忠純而知義臨機料敵明四種之兵書御衆牧人備五材之將畧率先爪士屢奏膚公有嘉衛社之勤寢服執金之職貳荊州之方面江界肅清殿鄂渚之雄藩民心靖謐治效已聞于南紀朕衷尤軫于西陲念蜀道之孔艱恃夔門之堅守遠連夷徼先江陽

棘水之扞防近護風寒謹昌元巴川之控禦欲整軍而
經武必徹土以峙振惟爾之能敵王所愾是用易茗雪
宣風之秩新葭萌賜節之儀十乘以先啓行植中權之
牙蠹四鄰若防制水壯列郡之喉襟繇副帥以褒升進
上游而綏撫昇端拱使名之寵總紹興稽事之綱虜可
勝而奏屯田亟上便宜之十二蠻來威而伐獫狁往陳
師旅之三千欽哉實猷以實墉予以維藩而維翰申陪
采賦增賁戎昭於戲按德裕南道之圖慨想籌邊習農

之績覽孔明平沙之陳母忘渡瀘耕渭之規務本所以
省轉輸設險所以嚴保障祇若予訓式固爾猶可授寧
武軍節度使龍神衛四廂都指揮使夔路安撫使兼知
夔州兼提領措置屯田兼控扼瀘叙昌合四州邊面加
食邑食實封主者施行

周山川圖記

相古先民有周德隆澤洽用造區夏章亥所步莫不砥
屬建橐戢武弁藻王度四嶽河海咸秩無文名頌曰般

哀時之對鄭元釋允猶翁河之語謂按山川圖次序祭之孔氏正義謂共為一圖雖畿籍方志湮軼亡傳謹專釋舊聞而為記曰太極肇分有浮而清有沈而奧卷石之積結為巍巍雲蒸雨霈萬物育焉勺水之積融為浩浩源迤流行萬物潤焉聖人有作迺封迺濬迺禘迺滌肇稱明祀為民祈禱若封禪于黃望秩于虞旅祭于禹維見可觀然風后受圖九州始布山海有經為篇十三圖牒猶未詳也蒼姬開統憲章稽古以地圖知山川之

數職于司書以地圖辨山川之名物職于大司徒以九州圖周知山川之阻職于司險天下之圖職方道掌其山鎮曰會稽衡華曰沂岱嶽及醫無閭霍常其大川曰三江江漢曰滎雒淮泗曰河涉涇汭及漳虜池嘔夷又有山師川師掌具名山虞川衡掌其守艮兼兗麗目擊掌運抑猶以為略也卑高小大則其位殊次主屏攝則其數異我是以有秩叅之圖河先海後辨源委也九河合一同等列也嶽視三公瀆視諸侯禮文別也天子四

望諸侯三望名分嚴也按圖定序因序歲事于是宗伯
為壇典瑞奉璋收人毛牲校人飾駒廼奏蕤賓歌函鍾
舞大夏服毳冕而祀焉上下有章無越望之僭祝史薦
信無矯舉之愧山澤通氣歆馨降嘏百嘉宅楸四極艾
寧盛哉鑠乎適觀詩序祀于巡守時邁其邦爰及柴望
意者土訓夾車道圖詔事其在斯時與攷之傳記天下
名山五千三百七十名川三百支川三千周國其在雍
州而立吳嶽為西嶽三代居河洛而四瀆咸在山東公

羊春秋謂天子有方望之事何休以為望祭凡三十六所若義之脩而禮之藏獨于般詩見之夙夜罔祀作周恭先丕天之大律也下逮穆王大朝黃山披圖視典殷武疏述鄭元之言亦參周漢之域驗山川之圖孔安國為漢博士具見圖籍山川所在學者尚有稽焉春官掌三辰之灋猶神示之居注亦訓猶為圖仰觀俯察兩盡其摯矣雖然德懋而山川寧道公而百川理懷柔河嶽厥有本元無設官為極之意則經野之圖不足以致

治無敬德祈天之忱則卜洛之圖不足以永年是圖之
陳左右也顧岐陽豐水而念王業之孔艱瞻洞庭孟門
而監地險之難恃江漢想廣及之德南山思疆理之功
清明在躬與山川出雲同一運化然後能靈承于旅惟
典神天業峩濛鴻洋洋如在玉帛云乎哉茲圖外之眇
指敢正列其義以詔萬世謹記

第二場二首

十三日

代皇子謝賜御書孝經十六句表

臣某言伏蒙聖慈賜臣御書孝經十六句者睿謨垂裕
夙承父訓之嚴神畫䟽恩備舉聖經之要因心立教試
目知榮臣某惶懼惶恐頓首頓首惟夫子之發微言為
曾參而陳孝道首述君親之事謹始及中復虞富貴之
移戒危與溢身行口言之無失天經地義之兼該事可
法德可尊表裏俱正居致敬養致樂造次弗違神明四
海以交孚進退一忱而匪懈有倬飛鸞之翰於昭詒燕
之謀二八句之特書撮其樞要千萬人之咸悅始于家

邦仰倣通英之屏俯殊制旨之注矧熙朝資善之學肇
祥符丙辰之春詔儒臣而續是經錫宸章而刊諸石游
觀洪藻宏賁前猷臣德愧温文性慙岐嶷出有師入有
保蚤齒虞庠親則父尊則君恪趨周寢曩者分封之渙
號誨之全孝以移忠旨趣會于五經未窺聖溫德教加
于百姓徒仰皇明載觀河雒圖書之光如親洙泗問荅
之語茲蓋恭遇皇帝陛下學稽古典筆寓天常祚嗣萬
年受祉而施于子冠冕百行得手而應于心約漆簡千

有餘言洒驪珠六十四字淳化秘丘之刻祖武可繩紹
興方國之盼人文增煥臣敢不聿嚴琰寫式廣家藏仁
孝製六章之詩遠邁唐宮之賜札夙夜事一人之訓緬
思建邸之陳圖臣無任感天荷聖激切屏營之至謹奉
表稱謝以聞臣某惶懼惶懼頓首頓首謹言

堯衢室銘

衢室堯所以采民言也惟堯舍已稽衆從

缺四字

昔

黃帝睿詰遠覽合宮有聰明臺有議并謀兼知詒燕後

昆迺考室四達之衢垂聽而問焉邇而百揆四嶽邈而九州四表聰明光被嘉言罔伏猗與媿哉善旌謗本昭其明也素題樸桷昭其儉也清問而鰥寡靡不達疇咨而共咎不能蔽先惠之意寓于衢尊爾極之謠聞于康衢仁天知神隆寬博問廣覽兼聽八荒在闡言布天下誦聖至今厥後訪以總章觀以總街復以靈臺詢以外朝揆元探嵩帝實肇之炳諸典謨卓蹤冠德鋪觀方策下聽于人則管子紀其事議盡天下之心則文中子申

其說垂衣褰幅遠如神明之居則子華子詳其制魏文帝紀亦曰廣詢于下豐規淵指歷歷維見或者有調元氣治陰陽之言以為明堂異名堯心未昭晰于億萬禩禹之聽治猶銘箕虛矧惟帝世必有銘詩而叅書軼焉皇皇箴諫之路貳室尊賢太室考庸未足匹休罔羅舊聞補其辭曰

於穆攷勲 道泰朝清 光被四表 在予戶庭
唯天為大 德寓恢闓 儲思法官 羣龍翼承

從人稽衆 聖而不矜 五達之衢 謗木求箴
康衢游童 洋洋頌聲 衢尊先惠 涵泳至仁
于焉築室 廣聽垂明 合宮之聽 率祖攸行
茅茨流化 頽數階蔭 幅舄入覲 若星共辰
彤車黃收 巍乎天臨 帝暉適止 垂衣如神
上開言路 下達民情 何以來之 有鼓有旌
清問鰥寡 爾隱畢申 疇咨四岳 朕愆悉陳
側陋在下 罔闕予聞 象恭庸違 罔惑孔壬

相在爾室 咫尺八紘 誰謂民遠 察其嘖呻
夏鐸徇路 規諫于君 湯有總街 觀誹于民
爰周質隆 外朝是詢 維昔盛帝 軌迹易遵
君聞無壅 天衢以身 熟曰道謀 不潰于成
嘖室之議 陋彼齊人 宣室之問 卑哉漢文
堯在萬世 如見其心 敢告後王 貽此休銘

第三場二首

十四日

天禧編御集序

宋受命於穆清五緯集奎觀人文化天下維三葉重光
真宗章聖皇帝濬喆欽明體堯蹈舜游意藝圃積思書
林睿藻天葩轆轤元化慶霄在上萬物五色宜刻玉板
藏金鑱垂訓姚遠以三二典七六經天禧之元月旅黃
鍾日躔庚子臣虛已哀次御集百二十卷爰即禁庭俯
示丞弼明年孟春嚴儲于繼文殿四年季夏甲午列局
崇文分命注釋仲冬庚申出聖製七百二十二卷昇輔
臣五年季春庚子欽奉御集尊閣天章定著為三百卷

仲秋庚午藏之名山以副墨盼焉赫乎盛哉集有序篇
實出御製五年正月癸卯借聖政記序召邇列觀之臣
族皐翰墨衣被昭回之光稽首書下方曰帝王之文即
天地自然之文仰而觀則泰政三辰之炳耀俯而察則
山川卉木之彪列帝堯煥有文章文王經緯天地繇此
其選道心淵粹發為英華聖學精微寫為謨訓豈有意
于文哉若昔黃帝丹書及銘傳至周漢聖文哀集其助
此乎高文有傳著在七略武帝有集始折一卷貞觀開

元成集並垂理愧於辭駁亡以議惟我藝祖紹天覺民
贊述孔顏道統復續太宗繼序緝熙光明皇文挾天蕭
勺宇宙臣文仲編為三十卷臣彭年編為二百十四卷
燕謀詒翼用專遺于章聖厥既北甃葦葦允西廡靈夏幅
員清謐威械戢藏升中岱宗展采汾陰禮葉樂華歲誕
葱蒨帝益思持盈制治啓迪化原乃增講員乃御延閣
左右圖籍鎔經鑄辭綠字瓊章壁明奎粲歌有念農闕
兵奉先為政豐年觀麥喜雨瑞雪之屬斯元首薰風之

雅詠也論有勤政崇儒祥瑞解疑思政歌器為君難寬
財利之屬斯畫卦重爻之遂學也龍閣有贊聖文有頌
元龜有序泰山有銘庇民有述修河有碑三記五箴之
作清景百篇之製經史徧詠明良載賡肆筆而成曼切
韶護帝心謙輦未議彙輯祥符四禩九月丙子臣敏中
請錄宸章龍藏渠觀而文頌歌詩十五卷上于五年四
月癸卯號登天禧遂金聲玉振而集大成臣竊從太史
氏欽覲集目凡頌碑銘贊之卷二十六詩歌辭章樂府

之卷一百十四論述序箴條記文書其卷四十正說承
華要略靜居玉宸法音集其卷四十有五春秋要言五
卷臚分試題表詞卷別七十芸籤鈿軸數盈三百視滋
福殿所觀為益備雲漢之章風行水上之文作者不可
及已鴻生鉅學屬辭摘藻有三代風非金玉追琢之功
鳶飛魚躍之化與抑臣管闕國史祥符丙辰之春開寶
善訓元良箴記歌吟日賚月錫天禧四禩仲冬甲戌臣
殊編摩賜東宮御製成五十卷育蒙泉之德培豐水之

仁帝範金鏡訓戒等書方斯茂矣文子文孫監先憲酌
祖道至于萬年永保民罔不自斯文始臣謹表而出之
乾興初元八月辛亥以是集錫該輔併識于篇以鋪敬
我宋重規疊矩之盛美臣謹序

漢華平頌

皇漢中興三葉緝熙康乂燕及皇天惠露德風坯治泰
酥暢垓汧埏炤景飲醴瑞命總集嘉祥備致仁及于木
効異吐竒而華平生焉平之義大矣哉在天為泰階在

地為嘉木世道夷陂氣感類從維木之祥品彙匪一賓
連閣達紫脫平露白虎禮緯彪列其名而華平獨著于
孝經援神契謂德至地則是物盛張衡作賦駁厲東京
之媼春圃是植爰紀神異薛綜注釋指為瑞本謂天下
平則其華平冊府元龜載元和二年至章和元年華平
見郡國藝文類聚述東觀記以為芝英華平史官不可
勝紀沈約宋志亦曰其枝正平王者有德則生漢元和
中生郡國其當章帝之世與帝也左右藝文斟酌律禮

道無偏陂如砥如衡根于正心發于平治有泰之吉無
否之傾煌辱休哉植物之歌器也昔在孝武奇木兆祥
胡粵冠帶亦越永平木枝內附朝堂奉觴矧時珍物見
象知治應圖合謀儆戒默寓蘭臺諸彥獻歌踵聞景
況洪禡鋪藻猶缺敢稽選注以頌以規頌曰

顛穹槃物 木神則仁 漢以仁興 木瑞爰轄

赤符膺統 丕闡坤珍 德豐澤鬯 萬象一春

允文肅宗 豈弟宜民 仁及于木 匹休周成

支附葉著 函夏謚清 言觀于朝 賢庸雋登
言觀于邊 櫟靖燧沈 美發英華 治決升平
泰融融液 嘉卉挺生 植之春圃 吐葩颺榮
祥參平露 光掩芝英 五衢四照 末數山經
含章自天 絢耀槐宸 啓篇稽誥 咨爾儒臣
德至于地 緯書昭燾 乾行謙施 帝德之純
晔晔其華 元氣儲精 維平不猗 式如玉衡
太平有象 品物流形 其象維何 萬國咸寧

醴泉下滋 瀟露上凝 匪棟之偏 匪葵斯傾
隨方表應 歌器在庭 考祥視履 莛于未萌
用人必公 淑別慝明 敷政必餘 直錯枉言
天壽平格 葆命日新 右我災作 本支蕃蓁
竒木旁出 對述終軍 解編削社 殊俗來賓
木枝內附 永平昌辰 壽觴敬舉 醴溢簪紳
於赫神物 夏軼前聞 辯章化洽 肴覈仁林
咸曰我后 能蒔堯奠 俯陋後棄 并柯成文

瑞圖迨紀 政令之均 維德弱剛 低印以分

木匪于祥 戒在持盈 無平不陂 保泰兢兢

顧名思義 有媿有箴 文之雅詩 以繼遠駟

博學宏辭所業

制

特進觀文殿大學士提舉臨安府洞霄宮授少

保寧武軍節度使荆湖廣南宣撫使判潭州軍

州荆湖南路安撫大使加食邑食實封制

門下位左棘以建旄兼總宣威之任殿南邦而分閭益
隆統牧之名疇咨祕殿之英越在羣公之表倚重臣而
彊本釋真館以圖庸參錫徽章載颺顯冊特進觀文殿
大學士提舉臨安府洞霄官某忱恂而寬裕剛毅而沈
潛緯武經文可大則賢人之業集思廣益至公以天下
為心亮采日嚴訐謨辰告久贊襄于衮職遄燕佚于琳
庭冠元豐寓祿之階羽儀賜位峻皇祐崇儒之秩領褒
延恩養恬雖適於雅懷應變未殫于遠略睠武安之鉅

鎮屹方面之要衝地控重湖內欲腹心之先備疆連五
嶺外如肩齒之相依銷患未形維人無競迪思高廟有
若臣綱繇舊攷而命旬宣即中權而領藩翰徒得君重
載績武功是用篆車升亞保之班茸蠹授益昌之節兵
事不由中御合楚粵以撫師戎乘以先啓行指衡湘而
植屏數路聽和門之令十連尊元帥之稱申衍圭畬陪
輸幹食以新采薇治外之畫以謹徹桑未雨之防於戲
陶侃啓長沙之封嘗督軍於交廣方叔振中鄉之旅佇

執訊於蠻荆精神折衝則國勢張指授當任則人心靖欽
承猷訓懋建虜公可授少保寧武軍節度使荆湖廣南
宣撫使判潭州軍州荆湖南路安撫大使加食邑食實
封王者施行

寧江軍承宣使左驍衛上將軍金州駐劄御前
諸軍都統制授武康軍節度使右金吾衛上將
軍興元府駐劄御前諸軍都統制加食邑食實
封制

門下錫齋旄而啓鎮載聯中尉之華總禁旅以脩戎益
重西陲之寄乃暎蕃宣之傷夙殫守衛之厯䟽陟典以
褒勲更要衝而統戍明颺渙號敷告師虞寧江軍承宣
使左驍衛上將軍金州駐劄御前諸軍都統制某果毅
而撲忠沈雄而肅括營平節深料敵之威謀票騎抗旌
懍冠軍之森勇列武威而拱極臨涓水以乘邊王旅嘽
嘽克壯金湯之執戎容暨聿張箕翼之形迪簡予衷
茂嘉乃績念漢中之保鄣控益部之衿喉復險要於舊

圖于疆于理峙屯營于東道維屏維藩師徒甫集而未
蘇裨壘方更而未固將飭不虞之備亡踰已試之良是
用新駱谷之建牙易夔江之留務鶻冠魚服陞峻秩于
執金犀甲熊旗侈多儀于授鉞如乾道顯忠之並命若
紹興楊政之進屯以嚴細柳堅壁之威以恢采薇治外
之略申加井賦增賁坤維於戲登拜將之壇決策蓋繇
于南鄭上出師之表駐軍欲定于中原惟山川未改于
昔時則事業盍參于前哲典聽朕忝式固爾猶可授武

康軍節度使右金吾衛上將軍興元府駐劄御前諸軍
都統制加食邑食實封主者施行

誥

翰林學士知制誥兼侍讀除同知樞密院事誥
勅股肱一體相成祇適時幾之戒文武萬邦為憲儀圖
翰墨之英朕廸前人光苾成功所在咸平有若臣且在
嘉祐有若臣脩擢繇禁林登貳樞極帷幄收頗牧之績
搏俎折葷允之謀無競維人式序在位翰林學士知制

誥兼侍讀某養剛大之氣好深湛之思學道乎中庸總
五經之眇論文澤乎仁義信三代之餘風灼見俊心贊
為名命代言溫雅發號施令罔不臧勸誦從容陳善閉
邪謂之敬婁訪河西之邊事咸聳山東之詔書嘉其知
軍戎之情進而與甲兵之問爾猷則告我武惟揚噫夙
夜基宥單厥心勿替協恭之助國家間暇明其政具嚴
思患之防以又受民俾紹先烈可授同知樞密院事

起居舍人兼侍講除中書舍人兼禮部侍郎誥

勅周史之掌贊書列于禮典舜官之出帝命先以秩宗
朕登崇譽髦藻飾治具迪簡敷經之彥久儀簪筆之聯
錫我茂恩對時妙選起居舍人兼侍講某簡庶載采博
謬好脩砥行立名濟濟扶陽之禮弼中彪外褒褒樂安
之文仁義其言藹如直諒多聞益矣欽起居而在右君
舉必書考仁聖以陳前古訓有獲丕從朕志曰求厥章
昔元祐擢軾于螭塗晉司帝制紹興遵于鳳閣復貳
春卿惟文學成精能俾播告不匿指咨爾兼組賁于演

綸為誥有古風罔俾仲舒之媿同日加兩命允謂知章
之榮予欲善辭令以華國汝為予欲觀會通以秩典汝
翼庶幾終譽式克欽承可授中書舍人兼禮部侍郎

詔

舉廉吏詔

勅門下周聽治以六計廉善居先漢辟士以四科清白
為首朕灼知有俊誕保受民惟前代迪厥官不肩好貨
凡正人羞其行庶幾成風嘗賜劄以律貪復作銘而申

訓魯是在位猶從匪彞鞭鞞不已而寵賂章蓋蓋不飾
而節行缺退食鮮羔羊之操虐民多碩鼠之譏念激濁
在于揚清而痺惡莫如彰善神爵獎朱邑之潔治盛循
良開元旌王丘之廉風移苛矯一賢蒙擢百辟鄉方肆
公道之天開閔頽波之瀾倒克正罔敢弗正既昭德以
塞遺進良以率不良與厲精而更始咨爾承休之彥體
予美俗之懷庶欲得其真公選潔脩之士舉皆賢于已
博詢操履之原內則如光祿之薦王嘉外則如河東之

察黃霸人之有猷有守具以實言予其懋賞懋官亦克
用勸故茲詔示想宜知悉

舉將帥詔

勅門下朕鑑徹桑未雨之戒軫采薇治外之憂熊羆又
王家昔何多于英傑蛇豕食上國今未救于曷垂風寒
僅數處以護吳道敝欲多方而誤楚荆益慮深于脣齒
湘廣備缺于腹心雖錫斧鉞而啓元戎猶聽鼓鼙而思
猛士食靡忘於鉅鹿志孰奮于伊吾內無舉奉世之臣

外乏代崇文之將朕為拊髀戎將生心昔高廟歲舉六
科智勇是選孝祖薦格五等謀略為先率由舊章深詔
執事詩書如卻縠豫思元帥之儲策慮若陳湯勿求循
行之備接異能于數澤拔竒節于偏裨爪牙官備不虞
汜成固圉之績履屐間得其任無愧知人之明惟爾之
能求朕攸濟故茲詔示想宜知悉

表

代侍講說書官為經筵進講孟子終篇謝賜金

開成標帝籍之名暨魯史謹策書之體至若觀會通而行禮尤先撮機要以舉綱茲萃進于一時宜輯成于五典允哲光皇之揖遜於昭寧考之儉勤燕翼詒謀焜燿億萬年之訓攘夷復古堅凝三十載之規有嚴論述于史筵申命纂脩于宥省天啓離明之治日新貴象之文洽媿化于登三煥鴻猷于襲六瑤編溫潤金鑰闕嚴繫日繫時哀嘉熙淳祐之記注有倫有要粹寶紹端平之憲章討裁分飭于羣儒尊閣載差于穀旦韶鈞焜燿羽

衛葳蕤緬繅采以展儀瞻冕旒而執讀事該經緯備清
覽于邇英瑞集圖書肅秘藏于廣內恭惟皇帝陛下心
傳精一學懋緝熙道德風烈之庶幾適追來孝制度紀
綱之能永勿替歷年功光祖宗政布方策率彛章而由
舊據行事以鑿新文武大略舉焉聖而繼聖禮樂庶事
備矣書不一書臣等欽覲聲明欣逢熙洽始于勤而治
內外願駿惠于閔摹稜厥文而作春秋嗣鋪張於偉蹟
臣等無任瞻天望聖激切屏營之至謹奉表稱賀以聞

臣某等歡抃歡抃頓首頓首謹言

露布

晉前鋒都督平兖青州露布

尚書五兵臣元等言臣聞天下之義當混為一我伐用
張仁人之兵所存者神無遠弗届迪上帝命付中國民
徐方既同而來庭宣王復古齊地悉平而振旅世祖重
光整我六師如雷霆植十二郡之旗鼓不圖今日載績
武功恭惟皇帝陛下體乾粹精位履中正凝江寧神璽

之祚至于萬年開吳分歲星之祥綏以多福有方行海
表之略無宴安江沱之心惟氏鞠凶至堅孔熾吞燕涼
而薦食介鱗易我衣裳闔荆益以長驅蝨賊荒我居圉
敢行稱亂不戢自焚師克在和雖武騎無所用天助者
順聞風鶴皆為兵一戰成肥水之勲三捷取壽陽之境
匹馬騎輪無反乃滅而亡簞食壺漿以迎曰僕予后詎
吟思漢震動附周臣安請乘破竹之機分命采薇之率
復舊都在此行也清四海可失時哉臣等以先啓行敷

奏其勇辟四方徹我土誕將天威獎三軍定中原翦此
朝食推鋒而造渦潁抗旌而次彭城彗掃星流席卷雲
徹欲快心于狼望庶舉秦若鴻毛尅濯征困獸猶鬪張
崇守兗河而假息符明據青社以每生食堪靡懷寢薪
莫悟矧河南城堡之皆附寧山東德化之未孚乃遣劉
襲攻鄆城崇棄甲而遠遯復俾高素向廣固明因壘而
來降穆如清風丕冒出日齊變至魯魯變至道載載干
戈汶達于濟濟達于河底謹財賦遂鼓行于司豫汜盪

穢于羗髮時靡爭而心載寧君之訓而臣何力斯皆帝
德廣運聖武布昭歸輶謹田用儒無敵揚文武烈圖功
攸終予以正六龍御天之居豈止保一馬浮江之緒臣
等共武之服頽天之靈洛邑朝諸侯望翠華之回軫營
丘發嘉號竣玉牒之脩封臣等無任慶快激切屏營之
至謹遣某官奉露布以聞

唐劔南西川節度使同中書門下平章事破吐
蕃露布

若木咸順指令邀積石之遐陬有吐蕃之醜類侵敗王
畧倍奸齊盟乘邊將之騁兵瞰戎亭之虛候為蛇豕食
上國盡盜河湟帥螫賊挫我疆再驚畿甸騎盭敢於深
入鑿蹕至于親屯擗然授兵協以謀我尚納汙而舍垢
姑通使以結和清水之盟未乾好時之師已聚指涇靈
而徵賂闖鹽夏以擣虛夷德無厭弗悔衽金之旤楚氛
甚惡輒興衷甲之謀蠢爾為讎整居匪茹維時南詔慕
化中朝先零之質諸羌雖嘗并力麋人之率百濮罔不

離心頓頽于邊受命于吏斷匈奴之右臂羈南粵以長
纓燕貉輸致騎之勤晉戎成持鹿之執彼既失鐵橋之
險我遂克岷和之邪盍竄匿于龍庠復虔劉于麟塞戕
我守將墮我啤隍脩戈矛與同仇靡室家不遑處臣等
請奮其旅以殲乃讎鳳翔振武靈武之騎獵其西邠寧
太原涇原之兵震其北率山南熊羆之校暨東川驅虎
之師烏蠻撓其腹心回鶻擣其肘腋衆素飽矣壹大治
之諸將陳泊等統五萬軍出十一道濟師西顛之半策

勲北陸之初盪平七城斬馘萬級獲鎧械十五萬計燔
堡壘百七十餘遂賈勇而圍昆明將乘勝而定青海偽
東境五節度大使論莽熱釋朔方之衆援維州之城九
攻九却之計窮七縱七禽之威速連連執訊矯矯獻囚
不然我薪而自焚有如破竹之立解拂廬魚潰甌脫兔
犇谷靜山空行就焉耆之僂區殫域滅沆聞智盛之降
斯皆廟謨淵深神斷天造明見萬里運竒掌上之兵守
在四夷制勝目中之虜勤功滇池之柱植表赤嶺之碑

一怒安民文之勇也三軍用命克何力焉臣等承帝之
明敵王所憐開遠門揭侯坐收西極之舊封紫微殿受
俘重觀崑丘之茂績臣等無任慶快激切屏營之至謹
遣某官奉露布以聞

檄

漢丞相諭告巴蜀

漢元年夏四月丞相何諭告巴蜀郡縣蓋聞天之所助
者順民罔常懷懷于有仁秦失其正豪俊縻沸雲擾摩

牙而爭之惟漢王先入關扶義而西為百姓請命秋毫
亡所害代虐以寬若時雨降民大悅項王滅德作威為
天下宰不平反易天明思肆其罔極義帝越在荆蠻未
有攸底漢王失職之蜀民亡不恨者項王有背約之名
天下畔之諸侯之兵四面而至夫一里之厚而動千里
之權者地利也昔秦西有漢中南有巴蜀謂之天府沃
壟千里餘糧棲畝轉粟西鄉方舟而下天所以資漢也
秦三將亡尺寸功驚其國而王之慈父孝子將接及以

復怨及其鋒用之若奔兒之觸魯縞未足以喻其易王
已拜大將軍信決策東伐朱旗一麾三秦必從風而靡
被山帶河四塞以為固乘利席勝人人自為戰雖有智
者不知為楚計矣項王亢不乘奸齊盟不順所過殘滅
不仁師曲為老其疆易弱傳曰不嗜殺人者能一天下
湯武是也漢取天下可以萬全巴蜀固多奇士有從漢
者尊顯之雲起龍襄維其時矣爾父兄其帥子弟比善
戮力墾菑除害毋陰拱以觀其孰勝王之入關悉除去

秦法舊染汚俗咸與惟新縞素為資珍物無所取非富天下也養其民以致賢人行仁政而王莫之能禦也楚雖大何畏焉用歷告爾新造邦尚永力畋爾田寧爾居毋蠢不靜以自速辜吏以仁誼教訓辨告勿行苛政明聽之母忽

唐河東保寧等軍行營副元帥諭晉隰慈州檄
興元元年八月某日河東保寧奉誠軍行營副元帥北平郡王燧檄告晉州要君廷珍隰州毛君朝馱慈州鄭

君抗及將士吏民等蓋聞率土莫非臣盍念在三之訓
明王伐不敬有嚴討貳之刑義士不求生以害仁智者
能轉旤而為福其畢棄咎咸與惟新我國家九葉繼明
億年凝命天保以上采薇以下內撫外綏漢公于北祝
粟于南德洋恩普神旌遽引竊窳咸誅堯治時邕猶有
青丘之梗舜風天幃未除丹浦之凶李懷光奮渤海之
俘授蒲津之節始謂狙之作使不虞鷹之易颺奔命醜
泉粗展勤王之績請朝行闕輒衷犯上之謀猶念前勲

婁靡好爵張萌牙于霜電悖木水之本原升鸞之謀肆
行巢父之使弗返奪二軍而殲良將剽三道而翦近畿
承心莫悛鴟音不革已復漢京之日月載揚周旅之霆
雷幕府承命齋壇建牙列鎮正正之旗堂堂之陳莫我
敢承赫赫厥聲濯濯厥靈有征無戰渾侍中率同陝之
士韓僕射統邠寧之師唐節度虎視鄜坊駱將軍熊踣
鎮國風雲助氣草木為兵詔參伐以清氛命招誓而繕
怒不埃前茅之邁行成獨柳之誅惟爾三州之士夫風

被系朝之德澤嶠從處仲適受逆汙遵事隗囂豈為賊
守鼎魚假息穴免貼危犯大義者衆必攜作不善者神
弗赦歷數古今所記未聞叛逆獲全惟岳阻兵汙膏齊
斧朱泚竊號亦梟豪街矧茲狄孛敢干天罰犬馬猶有
主覆載不容鱣鯢取以封脅從罔治聖上禹湯罪已丈
武行仁凡鳴狐假王之妖首鼠觀釁之將莫不匿瑕宥
戾磔垢滌却雖三子猶存蓬艾之間豈太陽不回葵藿
之照尚式王命共惟帝臣勿相依于輔車以俱焚于玉

石儻能洗心效順解甲來歸勳獻關東疏封帶礪融全
河右紀烈旗常若迷復怙終兇豫不斷蹈于顯戮謚為
至愚豈惟敷虐多方亦將遺臭千載請擇二者永肩一
心耆定爾功復見弓橐而戈戢式化厥訓庶幾世變以
風移檄到如章書不盡意

箴

漢典星箴

惟天不言以象設教惟聖時憲以星為紀昔在顓帝司

天有職堯命四子爰考星中蒼籙質隆靈承乾則保章
志變馮相會位下逮列國亦有司星宿離步占咸宿其
業災劉闡統顧諛明命治星列于太史候星設于靈臺
歷志迺紀復有典星太初之元更造密度時則射姓與
其議永元四禩考驗黃道時則姚崇并畢等十二人言
其瀆厥初建官將以欽歷象在璣衡非徒傳臯唐甘石
之術而已夫星體生于地精成于天為名百一十八積
數七百八十三在朝象官在野象物在人象事此動

彼應上下同流存于君心著于稷象伏見蚤晚政治
之候飛流陵厯踐履之符宋有善言星斯徙度齊無穢
德彗乃可禳以人占天休咎景嚮漢之星官茂明斯道
必將誦節儉之規而泰階六符不待臣朔之陳矣必將
述寅畏之訓而清燕指圖不待臣向之奏矣若稽史籍
箴諫蔑聞而元光星捨之異僅載候星者之言視虞人
贄御寧無愧與紬繹漢事為補亡之箴曰

煌煌乾度 臨下有赫 百十八名 象載昭察

星官有書

肇自有熊

德隆晷星

清明在躬

舜察璣衡

勅天之命

周辨妖祥

以詔救政

我漢懋德

寅畏明威

步占列宿

臣敢不祗

衡正階平

維文節儉

民勞星捨

維武征伐

見道知治

以人占天

暗室脩省

辰緯森然

心曰前星

建嗣必豫

畢為天街

邊氛是懼

三能未齊

論相惟人

營室雖中

土功勿興

五緯珠連

填為之主

心思先正

五事咸叙

女宮在後 次乎少微 賢賢易色 對越不違

監于建始 爵私外屬 稜象著郵 流星下燭

監于永建 寵任左貂 彗第垂異 適見招搖

母曰蓋高 陟降左右 母曰不顯 景嚮休咎

鏡考已行 應不以文 滿調誣天 匪臣攸聞

長星紀元 德星貢佞 顛穹仁愛 云何弗敬

母汨緯候 謂菑可移 母泥分壘 謂國無危

朔陳階符 向指圖狀 矧臣卮職 敢忘諷上

欽若歷象 兢兢如堯 小臣司占 敢告內朝

漢柱下令箴

聖人灋天建官印稽乾文北極之東一星彪列柱下有
史是則是憲在周曰聃在秦曰蒼以記言行以掌方書
漢祖肇基烝髦籲俊官師諫爭罔匪正人旦夕承弼厥
辟若昔愆王起居必欽號令必臧實賴左右之士迪于
丕彛秉筆殿楹如戎夫倚相之職曷可不謹其選維五
年命山都侯王恬啓為柱下令所以司紀載謹言動也

百官表書恬啓為郎中令功臣表兼述之顏氏以為主
書之史考諸傳記法冠曰柱後侍御史曰柱下尹東都
樂何之徒抗議柱下有繩愆格非之責焉夫衛武之聖
史不失書魯莊之闇書而不瀆君德崇替常必繇之二
漢舊章世有注記而孝武錄于禁中永平纂于宮掖官
失其守豈識高皇帝閱遠之規與敢儼揚雄之作而箴
其闕箴曰

巍巍萬乘 天臨淵默 歷之春秋 言法動則

載筆有史 造端帝鴻 我漢初基 山都是庸

表裡交脩 身度聲律 臣節不回 方駕孤佚

媿惡無隱 欽乃迪司 百九十篇 著記昭垂

監于周季 仇忠比佞 眇居是職 雖賢罔任

監于嫚秦 翳諫飾非 蒼備厥官 雖失不規

作而不記 匪德之盛 必遠其猶 訐謨定命

書而不法 俾後可觀 必謹其行 無敢遊盤

剪桐有諷 如棠有諫 毋味諂言 以直為訕

倚几有訓 書楹有銘 毋邇宵人 以逸肆情

思古良史 左誦右頌 云何成憲 碌于中葉

內廷纂錄 自親其文 諸儒雜定 直筆茂聞

君舉必書 繩其祖武 史臣司過 敢告誓御

銘

商王磬銘

樂以玉振之終條理也惟商王受球膺命作樂曰濩九
招晨露是脩是歌八音鈞諧神人洽熙垂裕後昆明德

恤祀猗那有頌奏假烝嘗鼓管和平來依磬聲先祖聽
之歆馨降嘏微哉淵庠若稽毛傳磬象物成鄭箋述之
指為玉磬蓋和聲依永無相奪倫非泗濱石所能致必
縝臯其璞清越其音始克為衆樂之綱紀昔者劓磬九
成鳴球在上四代樂器拊搏並敝虞夏舊章惟商時憲
想夫三牒之寶空同之玉迺磨迺琢從律中度虹氣孚
達煥乎崇牙于廟于郊翕純敝繹賦叔之離磬周之笙
頌不侔矣穎達書疏兼述商頌且謂磬垂堂下尊而進

之宜與湯盤俱列銘典漢有璆磬猶播雅詩茲不可亡

識其銘曰

瑟彼球玉 昇于武湯 維玉之聲 清越以長

思昔鳴球 合奏舜堂 后夔拊之 獸舞鳳鷄

矧予湯孫 奉時烝嘗 豈無玉豆 肆享先王

亦有玉罍 清酤是將 奏假維何 猗那一章

曰鼓淵淵 曰管將將 衆音疇依 磬為之綱

典寶之珍 烈祖所藏 載攻載錯 摩其嵩旁

銷鳴應律

崇牙高張

大濩始作

萬舞洋洋

集厥大成

雅韻清揚

聞樂知德

如圭如璋

王假有廟

申錫無疆

禹興九招

貢石徐梁

東生西頌

周典有常

孰若英璞

鍾粹乾剛

神之聽之

自天降康

鬯圭竝寶

僅見魯邦

紀甌偕賂

器存寶亡

惟德其物

專媿有商

制陋漢梢

瑞軼夏璜

勤銘于虞

德音孔彰

周瑞節銘

維周王撫萬邦征不庭旁作迂衡治定制禮論志以使
遣使以節制節以瑞重命令昭德信也若稽周官掌節
有職行人攸達厥制惟六金有虎人龍之別竹有旌符
管之異都鄙貨賄曰角曰璽昉分殊事用各有宜惟時
邦節瑑以良玉庸輔王命珍圭召守牙璋治兵穀圭七
寸和難聘女用焉琬圭琰圭九寸治德易行用焉典瑞
辨其名玉人著其法康成釋經兼述五者謂之瑞節想
夫井里之璞禹氏之珍追琢其章虹氣孚達張旌濡轡

肅將明指執而致命拭而展幣輝威彰信風動霆行文
告義征罔敢不率覲圭摯寶臚湊羣辟欽我王度如玉
之純十有一歲則命廣行而達之和難弗辟則與調人
而執之遠揚邇昭德壘禮洽皇序媿哉其守邦國之大
寶與內史過曰瑞節以鎮之秦西乞術曰瑞節以結好
聘禮圭纁九寸康成亦以為瑞節宜在銘典匹休嘉量
敢為補亡之辭曰

於皇時周 王度如玉 宣昭義問 函夏砥屬

節傳四馳

灑式鼎新

候角侯璽

或竹或金

皇皇者華

有嚴遣使

追琢虹璞

植名曰瑞

守以掌節

達于廣行

玉人裁模

典瑞辨名

瑟彼珍圭

鎮安方國

召爾封守

惠爾黶阨

七寸鉏牙

起旅之璋

和聘有圭

穀文孔彰

羣辟承德

時聘歲覲

曰琬九寸

要結好命

彼不庭方

慝行未除

判規之琰

迺諭迺誅

咨爾玉人

所實惟信

來旬來宣

圭璋其聞

寶不踰把

光溢周原

以瑞等邦

式禮莫愆

軼漢虎符

異魯龍輔

舜玉湯球

參媿前古

侯氏奉璧

蠻方獻琛

不令而行

佩我德音

瑞雖有五

王心惟一

欽哉膚使

眡此瑑刻

記

漢百官朝會殿記

皇漢稽古建官立三公應台鼎司徒為丞相之任贊元
穆綽位冠列辟中興二葉憲度鴻明號登承平越十五

載更作司徒府于開陽門內光觀壯麗萬國具瞻迪惟
詢謀僉同虞書垂訓謀及卿士禹範陳灋時有大政政
有大疑必集羣臣議之咨一相決之迺於司徒府建朝
會之殿呂繹師言審國是煥虐一代闕規也棟宇脩廣
史策無述獨於周禮注漢官儀律歷百官志注概見顛
末庸識其事呂裨史闕太微中居列宿環拱聖王正表
著之位辨庶陞之等灋虐天也蒼姬制禮天子三朝燕
朝列路寢之庭太僕掌之治朝居路門之外宰夫司士

職之惟時外朝眡內為重雉門外者小司冠以詢萬民
三公州長暨羣吏叙進皋門內者朝士掌建其灋孤卿
大夫暨衆庶咸列蓋建朝于外則尊卑之分肅咨謀于
朝則上下之情孚公聽竝觀訂謨定命聚精會神之地
其可忽諸漢監秦轍達聰垂明高皇肇基下詔長樂相
國建議實始權輿或大議殿中或會議温室朝堂百僚
之位有蕭曹魏邴之謀謨公卿以下朝會坐載于成紀
建始元年之注坐而論道流風猶存丞相府有四門隨

時聽事坐未央廷中單于拜謁體貌匪不嚴也然問望之計策則遣中朝持單于之語則視中朝具復廟之文則詔中朝臣議王嘉之事則下將軍中朝者丞相呂下為外朝顧不與焉官府體分與周異矣黃霸問郡國計吏舉孝悌為一輩先上殿說者謂丞相所坐外朝之制略而未詳東都重熙卽憲周典德陽朝羣后象魏旌舊章上儀祲容焜燿千古瞻詹公府輪奐未崇經之營之通新廣殿形庭殖殖左城右平王侯更衣于殿之西位

宁森嚴規撫璉敬堯衢室舜總章何吕侈茲國有大議
車駕親幸其殿則應劭之書可證百官會府公殿下則
蔡邕之言可稽續志追紀熹平四禩臣光臣晃傳奏歷
元乙卯詔書會司徒府議邕集所載在三月九日其位
校尉東面侍中中郎將大夫千石六百石南面議郎博
士北面戶曹令史西面中坐讀詔臣邕前坐侍中西北
近公卿與光晃問難朝章邦典賁然明著想夫三事在
位百辟在庭周爰咨諏知略輻輳帝暉下矚稱制臨决

衡石公論著蔡羣疑匪徒會同有繹而已故龍闕對峙
棟題翬飛人不以為華鈴鼓不設扉闔洞闈人不以為
簡鳴玉峨冕翼翼翔翔吏治否臧民生休戚天聰四闕
無隱不嗽受計則計吏數百人拜于庭中舉謠言則掾
屬令史會于殿上崇輔弼曰尊國體意深遠哉若廼論
于白虎朝于雲臺見于宣明問于崇德隆寬盡下史不
絕書兼聽廣謀莫若斯殿康成釋禮兼述漢灋于朝士
曰今司徒府有天子以下大會殿亦古外朝于搞人曰

百官朝會殿天子與丞相舊決大事是外朝之存者劉
昭謂于寶之說殆未深攷小宗伯肆儀為位康成謂若
今肆司徒府又非止為大會設矣蔡邕納書東觀立朝
會志未就詳莫得聞竊嘗考之周中朝聽治漢前殿也
周內朝圖嘉事漢宣室也東都前殿為路寢嘉德為燕
息見于張衡之賦而景秉傳云公卿會議常上殿訪邊
事若袁安班勇皆于朝堂上書會議又有召百官議朝
堂詔百官大會朝堂亦外朝遺意通典曰周有四朝而

言三朝者詢事非常朝也是殿其詢事之朝歟聘禮君
與卿圖事康成曰謀事者必因朝其位君南面卿西面
大夫北面士東面漢制蓋倣此云謹記

唐七學記

有唐觀入文化天下高祖太宗戡兵者武尊右儒術綴
禮正樂憲度著明庠聲序音鏘旬金石稽古建學厥制維六
元宗續緒復增其一課試有濼訓迪有師德甄兼該總
于胄監譽髦斯士雲合霧集豐規茂矩冠冕百王宜後

厥文具詳登載謹參合百官選舉志儒學傳序六典會
要而記其畧夫教亦多術矣開數路而翕受皇極之化
也萃羣材而樂育菁莪之仁帝治時邕成均肇建有虞
養老庠分上下夏氏設教序列東西左右郊宮商學殊
制作人造士匪一而足蒼姬之盛教典尤備國學合子
弟太學食老更四郊有庠門闡有學或讀邦灋或習書
數達材成德道化渾融祭義攸述為學有四保傳所紀
為學有五學記之注曰內設師保外有庠序六學之制

于茲可考治古逾遠彛憲無傳漢立三雍晉興兩學元
嘉四學之規天監五館之開名存實亡駸虜亡議惟唐
文治炳蔚上軋成周鉅類夷荒鴻業甫定生員之置肇
于武德元年五月周孔之祠建于二年六月恢儒鄉學
敷遺後聖爰暨貞觀駿惠前猷臨幸國庠延顓儒彥肄
業之舍廣為千二百區著錄之生益為三千二百六十
員施于六葉增闡學館襲舊為七若三品以上子孫國
子學教之五品以上子孫太學教之曰廣文以領國子

生之業進士者實維天寶九載七月乙亥之制曰四門
以授七品之子及庶人之俊異者實維元魏太和二十
年之制律學昉于晉梁復于貞觀六年之二月又復于
龍朔二年之五月越明年以隸詳刑而律令格式灋例
于是習焉書學昉于晉隋復于貞觀二年之十二月又
復于龍朔二年之五月越明年以隸蘭臺而石經說文
字林於是習焉算學沿隋之舊置于貞觀二年復于顯
慶元年越三年九月廢之以隸太史及龍朔二年復之

以隸秘書而九章五曹綴術緝古之屬於是習焉訓導
之職有祭酒司業博士助教直講孫其業也舉選之科
有秀才明經俊士進士明澆明字明美興其能也業成
則丞蒞試不率則簿舉法嚴其訓也國子有五經博士
廣文有知進士助教重其選也助教或十年始遷博士
或十九年不易顯其任也生徒之數國子二百人太學
五百人四門千三百人書律及算總百十人元和三禩
申命更定西京自八十至十人東都自十人至二人而

國子學有大成上元二年初置二十人開元二十年復省其半若舍奠齒胄之儀皆行于國子學又本末先後之序也想夫紆袂鼓笥來游來歌鴻生石師論難衍衍投綬懷壘濡化染學元武飛騎垂衿講習新羅百濟挾策吟誦豐芑燕翼之澤棫樸追琢之章政嫩俗醇作周匹休猗歟懿哉鋪觀唐史立學闡教蓋非一端左省弘文武德之制東宮崇文貞觀之規竝置生員是為二館秘書小學以誨皇族內文學館以訓官掖宗元有學以

習老莊郡縣諸生差列二等若崇化厲賢之原則自七
學始以至龍朔改司成館垂拱更成均監司成宣業官
名婁易茲不備載按鄭虔傳廣文寓治國子館李庾西
都賦曰左立太學前列廣文選舉志止言六學何蕃傳
亦云六館意者二學合為一與韓愈上表有七館之稱
併書以識舊典謹記

贊

寶元紫微閣御篆贊

天隴下民闡我宋離明之運三聖傳序文治彬蔚睿蕃
宸藻光摩壁奎越我仁宗皇帝重暉襲明日燭月霽稽
經典學苞舉執固穗書綠字入神出天顧瞻玉堂爰暨
祕閣昔在淳化龍牋紅管躬灑飛白霞舒鴻翥昭揭霄
漢矧時右掖發令代言常揚高崔振纓接烏儲清聯邃
宜闡宏規寶元之元律中夷則日躔庚戌渙發宸指鳩
工建閣翬飛鳥革穹麗豐璉凌轡石渠天祿翔鸞棲鳳
右迺御帝鴻之墨海拔漢宮之寶附冠名紫微載篆戶

冊金壺霏泚鑪錘造化如商盤周鼎之識如羲畫禹銘
之文非煙祥風綠飾萬象丹青綸綍益煥其章開元集
賢之題莫能窺帝書萬分一臣竊惟仁皇多能天縱邇
英延義左右圖籍羣玉藻珠優繇篇翰景祐律準之字
皇祐明堂之顏八體六書神謦心造韜軼頡籀前無千
古斯閣之扁文化恢焉儒術崇焉彼漢篆未央晉書太
極奚異螢燿之儼龍燭與於萬斯年極天比峻環宮列
宿是衛是翼宜敷厲而顯詩之為無窮觀臣埃臯書命

衣被昭回之光拜手祇贊贊曰

乾緯宣精 紫微環極 維聖時憲 設官分職

開元名省 延顓鴻生 秉筆贊命 神化丹青

濟詰維朶 煇興文治 星旅奎鈞 麗離明賁

常揚接武 鷄于鵠池 參盤襲典 潤色綸絲

允文仁皇 積思書圃 天葩聖藻 萬象咸覩

旃夏穆清 瑤管春容 被物成飾 吉雲祥風

律準之畫 明堂之扁 河龍獻執 有赫奇篆

曠言西掖

英彥所躔

傑閣鼎新

上薄凌煙

錯寶之跗

元氣沕穆

鎡銖斯冰

糠粃籓邈

金字特書

玉題揭名

雲漢昭回

粲為列星

翠綉鳴佩

於焉游息

仰睇慶霄

斧藻失色

若宓戲畫

原于綠圖

若神禹碑

刻于螺書

蚌騫鳳逸

超絕畦迕

八瀟森嚴

心正筆正

淳化飛白

木天玉堂

維帝之書

祖武重光

祥符聖製

翔鸞鏤石

維帝之書

文典時式

毫端膚寸 雨露羣生 訓謩渾噩 虞周比崇

追琢其章 辭尚體要 如篆之古 摘華演誥

鸞刀刻銘 寶奎題顏 邇英分錫 迎陽縱觀

天球闕臧 鏐繩鈿軸 頰陋唐宗 平雲芒玉

倬彼魯宇 虹采屬天 詩以颺之 何千萬年

周七律贊

律者音之本也河圖授羲粵有律灋含少比竹昭華刻
琯立均出度成於十二黃虞迭造聲數靡易律之有七

其周之盛虜武王變伐通駿有聲於鑠王師致天之屆
惟十有三年歲躔鶉火月旅天駟日紀析木辰集斗柄
星次須女是協天龜五位三所合而用之繇張及房其
宿七列繇午至子其揆七同數合聲蘇播之音律二月
癸亥畢陳呂夷則之上宮于牧之野布戎呂黃鍾之下
宮太簇下宮呂布令無射上宮以布憲曰羽曰厲曰宣
曰羸簫勺陰陽正變咸備翕純皦繹神人洽熙勝殷遏
劉無競維烈律之時用大矣哉司樂典同采零亡詔景

王二十三年問伶州鳩意謂五聲及宮徵之變州鳩鋪
敷數度外傳載之鏗訇渾鏗如聞象武宿夜之奏隋志
明舜樂之七始社預釋左氏之七音琴為七弦則淮南
之注律為八十四則服虔之說戊午至甲子七日則孔
穎達之疏楚語七事樂纂七聲或云七宗或為七調七
均咸自州鳩啓之稽諸六弦律可知敵大師執律爰聽
軍聲武王兵書昭著正式史遷謂推春至冬柳宗元謂
大武律變漢加應鍾唐終南呂至有除黃鍾而首林鍾

者音官失傳久矣周玉律有八江左世薦之茲律不呂
器傳而武之七德寓焉庸墨筆操牘而作贊曰

龍畫肇分 律繇數起 鳳鳴既聽 聲以月紀

於皇時周 變伐戎商 廣文之聲 我武維揚

印詹北維 頰察周壘 姬出天竈 稷緯辰馬

維鷄及駟 躔次有經 自午至子 會朝清明

位協于五 列揆呂七 聲數自然 寫之玉律

太師載歛 下上其宮 羽以夷則 厲以黃鍾

太族無射 布宣憲令 昭德柔民 徂維求定

陰陽遞代 宮為之綱 既備乃奏 鏗鏘將將

矢于牧野 莫不震疊 振旅羸內 愷歌鏜鏜

爰命司馬 執呂獻功 功成作樂 蘇鳴肅雝

琴增七弦 頌美七德 興文偃武 簫勺羣慝

往著再始 復綴六成 窮本知變 樂行倫清

七衡之響 紀于含少 侯今之制 威聲燁燁

七始之詠 颺于劓磬 侯今之制 德音孔昭

宿夜失傳

象武孰志

均調猶存

正五變二

一氣二體

八風九歌

終始相成

天地同蘇

聲與政通

茲律維則

播以雅詩

時萬時億

頌

至道朝元殿冊皇太子頌

天以宋克堪用德迪從子保萬億年永孚休太宗皇帝
廣聲揚烈燕及皇天幼海五潢發祥沅慶壽街辨牘虎
聞齒胄金聲玉裕敷聞在下帝惟有道之長必蚤定豫

建輦我邦丕丕基至道之元仲秋壬辰誕布明制肇闡
承華丁酉詔臣白贊禮儀申教有司曰上嗣主鬯古有
冊命百官會位太極臨軒則漢唐之典在備物盛容揚
于大廷丕天之懿鑠也咨汝悉奏其儀朕將御路朝行
之繇是頌家儒官稽經綴禮范金為寶厥方二寸龜紐
朱綬鏤珞為冊厥簡六十錯以龍螭展詩應律厥名正
安奏以二曲疇咨太史厯吉季秋供張宿陳容衛貯飾
黃麾設仗鸞車充庭薦佾旅階鐘石在簋萬官千品駢

璧交舄中嚴外備禮牟元會銅扉洞啓玉契載盼皇太
子冠遠游服朱明端士正人前尊後翼丁卯之且皇帝
被袞龍下彤輦御于朝元殿天華奕霽日宣重光聖言
溫純參盤襲誥紫微令讀之左庶子受之穆穆儲儀丕
承顯命上公羣辟蹈舞稱賀遂展慶于清宮日銀榜之
題耳搖山之音煥虜重離之光麗焉赫虜洊震之響發
焉越三日庚午金路羽衛祗見世室班輪回軫都人具
瞻眉龐齒鯢未覲鉅嫩湛恩作解蠶動四域光溢雲漢

榮鏡宇宙猗與休哉是殿為周外朝唐含元實朝會冊
拜之地雍熙元年七月壬子改乾元為今名天禧行于
天安乾道藏于大慶衣言繩武永作彛憲洋洋帝者之
上儀宣政紫宸之禮比茲褊矣宜命鴻生弦次初詩繼
樂府四章之作臣敢鋪藻而颺言曰

古帝命宋 靈承于旅 葉萬年億 重規疊矩

皇矣太宗 盛德淵溥 文條武彘 四方無侮

永錫祚嗣 椒實螽羽 鷄吉貳觴 有秩斯祐

於昭元良 賢能繼禹 朝夕寢門 春冬胄序

溫文恭敬 川原印浦 若昔令猷 入監出撫

離照相續 電鬯是主 萬國以正 建立必豫

通駁有聲 知子惟父 渙其大號 命爾儲副

刺經攄頌 自我作古 司空讀冊 漢有憲度

暨唐太極 肇新儀注 予其時式 徽典備舉

范金琢瑋 龜紐朱組 縹龍繪螭 騫其欲翦

昭時今日 禮展樂具 巍巍朝元 聖皇當宁

天臨日燭

龍卷繡黼

臚人虎士

擯相何扈

麾仗上黃

星燉雲布

巾車展軫

彪列鹵簿

四垂高張

鱗翼毛虞

正安入奏

銷鳴律呂

翼翼皇儲

夙駕金輅

遠游朱明

命服有楚

鷄戟鸞旌

從呂師傳

延登受冊

陟降拜俯

是承是將

惟左中護

尉臣奏賀

萬官拊舞

扶光若英

重耀霄宇

碧鏤啓扉

肅肅鸞鷲

移班展慶

聳觀玉裕

銅輦班輪

祇見烈祖

乾闥坤懌

神人樂胥

于時公卿

于時臣庶

于時夷貉

交相告語

上儀鴻明

曠古一遇

滌瑕肆青

巽風解雨

少海之波

流澤率土

唯聖立聖

頌聲載路

長治久安

冠軼三五

燕詒世哲

蹈則繩武

天安大慶

祿容重覩

神孫承承

旗翼丕緒

暉潤作歌

贊述有賦

允鑠聖代

禮崇媣鉅

下臣獻頌

式綴樂府

唐觀德殿飲至頌

唐太宗文皇帝天錫勇智開闢乾坤丕降霖雨剗荼滌
弗仁聲義實邇昭遠揚羽族卉儀面內稟朔凌煙置酒
頡利就霸未央高會智戴入侍元武燕饗酋長畢彙豐
貂文駟旅于象胥榛履熊冠圖于王會際天接地武彘
旁魄逖彼麴氏長雄高昌文恭猖狂怛威赧德狐裘納
摯扶伏入朝鼠匿雉犇不式王命稱兵焉耆西域遂梗
粵十三載季冬壬申爰命驍將濯征交河駟騎龍旗踰
沙軼幕虜渠怖駭日照雪消臨閑閑應鼓如截明年

八月癸酉克之智盛請降衿甲鼓下青海如鏡攬槍不
芒遂磔輶輻藉甌脫灰罽帳雲徹席卷披置郡邑九巖
之植于葱嶺鏑功紀伐卷旆而還左律右鉞軍容燁燿
振旅愷入京師十二月丁酉龍駕帝服御觀德殿庭燎
晰晰羽衛歲蕤鴻臚舌人虎賁爪士九賓四貉咸造在
庭諸將戎服振振奉俘馘以獻天子臨軒受之迺舍爵
飲至以數軍實禮也于是宗伯奏儀司馬辨位旌茂林
植供張星敷金介緹衣聲髦戴鶡萬旅鳧藻踊躍就列

鼎胥俎載百籩千品罍罍交錯犧象靜嘉房穀體節之
羞醜清醇白之勺稟飫于顏行七德九功之舞羽薦橫
吹之音擘煜于觀聽既醉之歡洽偃伯之頌興執訊連
連慕風嚮義單于日逐圍眎膽臬金幣軫積圭組續紛
班勞策勲周帑宏溥禮成畢賀于廟薦功皇澤賜哺雲
油雨霈前而順天之獻捷後而紫微之受俘稱伐計功
莫此為盛拓地萬里威震八荒隨流而攘鄉風馳義芳
蘭張飲天成浮酒上儀偉觀史不絕書施于開元契丹

授首爰即酺宴復行是禮宸章賦詠丕顯祖烈於戲盛
哉殿在元武門因射立名貞觀永徽咸以上已賜羣臣
射總章之元遼東底平即是宴百官然武功文容二媿
兼備未有斯舉若者是役也有臣行本刊頌柳谷布昭
威靈維茲茂典鋪張猶缺昔飲御諸友小雅歌之飲至
大賞春秋紀之是用作詩以鴻厥慶頌曰

皦皦太宗 涉禹之迹 天戈遞討 函夏清謐

剽陰披霧 耀以月日 明謨指授 將猛四七

纓厥縹緗

神扶電擊

陵海越障

蛾伏詘郟

聲暨德綏

條支祝栗

簫勺嚚頑

正心翊翊

狡焉麴戎

狼性隼質

雍闕琛賫

不庭不率

皇赫斯怒

剪此朝夕

命率交河

成師而出

旦秣我馬

夕臨其國

長轂雷輜

機駭蠶軼

酋渠仄釘

餘種冰釋

鏤體卉衣

係頸銜璧

州三縣五

如入吾室

坦步葱雪

疆宇載闢

葉護齒寒

不戰自屈

抗稜荒裔

銘功樂石

振旅于京

秉鉞執律

愷歌示喜

鼓吹轟激

執訊連連

象胥索譯

六師大獻

天容愉懌

序情閑勞

匪疚匪棘

展儀廣殿

時維觀德

校隊案部

羽林壘壁

削衽改襟

星共陞戟

袞龍臨幄

綵仗貯飾

纍纍其俘

厥角丹城

百蠻破膽

墮玉失烏

逆子有誅

視彼攸馘

飲至大饗

乃數軍實

矛不折寸

鏃不遺一

悠悠旆旌

萬旅如植

矯矯虎臣

韎韐有奭

班馬無聲 顏行山則 干羽陳階 金匏在席

鞞屨效技 傑離俱集 樂增十部 於粢葆佾

蒲筵紛紜 黼帷藻幣 山豆瀛尊 左右有秩

酒車騰酌 鏐盎浮溢 殽烝房俎 羞魚燔炙

一朝饗之 在師中吉 湛露晞陽 帝暉咫尺

舌人體委 惠浹夷貊 式燕以衍 率禮無失

都護奉觴 臚湊羣辟 舍爵策勳 皇有著錫

扶圭綴組 湛恩沕滴 熊羆覓藻 賈勇奮力

肇開西昌 膺貢受籍 帝惟不矜 常武無逸

紫微獻捷 涇陽鳴趕 稜容婁書 鴻烈赫奕

開元繼代 耆定假逃 行於酺宴 播咏宸筆

乃武乃文 丕昭帝式 宵雅歌周 勞率暨役

歸鎬飲御 吉甫紀績 於鑠唐兵 爰轄四極

饒曲未奏 崖頌靡述 維以頌歌 震于殊域

序

漢保傅傳序

保傅傳者漢梁太傅詎所作也漢朝之儒惟賈生粹學
淵識通達治體謂元良天下之本本正而天下定若昔
大猷保身傳德罔匪正人涵養薰陶相觀而善用專遺
後人休迺往證今參經訂史總眇論以詔萬世孝昭
嗣服鄉學崇儒是傳與孝經論語尚書迭敷旃夏大義
之通見于始元五年六月之詔煌庠休茲毓德之淵原
典學之矩范也庸鋪繹要指而為序曰聖人觀洊雷之
象是以詒孫謀燕翼子盖取諸震觀山下出泉之象是

以選左右蚤論教蓋取諸蒙相古先民丕若歷年罔不在初自貽哲命禹戒湯訓文謨武謀啓迪後昆茲率厥典立之師保謹輔道也教之禮樂頤德性也抗澶以聳其善齒胄以孫其志數學之制文王世子備矣是傳尤正于始而謹于微八歲入虎闈束髮就太學不待成人而教也太子始生舉必以禮太師吹銅正聲太宰持升正味不待就傅而教也胎教之道書玉版臧金鑪不待初生而教也有道有充有弼有承史司過工誦諫巾車

有教膳宰有規不惟三公三少孝仁禮義之道習也始
敷周秦之隆替終論賢佐之得失復以詩禮易春秋明
謹始敬終之義曰學禮曰明堂之位曰青史氏之記三
代文獻森然在目如旦佚之立前後望爽之翼左右其
末章曰鏡所以察形古所以知今誼之意深矣傳亥匪
人羸轍未遠逸民翼惠亦罔克壽孝文初載肇立元子
越六年誼孰教于前曰選端士曰去邪人然智囊之進
刑名之習以規為瑱聽之藐藐後九十餘年昭帝始誦

習之業隆于經祿德年于成后誼之書有助焉迺若大
夫進諫白虎通述之帝入五學邕宗元識之鸞在衡和
在軾頴達詩疏又稱之勵與王度記太初篇韓詩內傳
並言班史本傳概而未詳嘉言丕彙千載眇覲愚謂著
翼善之記不如監是書而善自明誤養德之傳不如實
是書而德自進青宮之紀博矣讀是書知其寡要也樞
山之則嫩矣讀是書知其亡實也輔翼之臣有能采而
獻之可以衍幼海之潤增前星之暉萬年惟王永保民

蓋自茲始敢著說聞于篇端按新書五十八篇是傳分
為傳職保傳容經胎教四篇文顯謂在禮大戴記今列
于第四十八篇凡二章三千五百五十四字云謹序

唐西南備邊錄序

唐大和四年十月戊申制詔兵部侍郎臣德裕節度劍
南西川維蜀西控戎索南接蠻服昔在中葉武尅不剛
孟賊內訌蛇豕食表撐裏拓猶懼侵軼未陰網戶莫
急二邊于是先事候情并謀合知料敵執搯地險討軍

實而備邊錄作馬即十三卷之簡見萬里外之情所以
制勝無形銷患未萌也茲不可亡序夫備敵于一方其
策易備敵於多方其謀難翔方既城薄伐于西方王其
勤也獵允既攘鞠旅于南宣王其武也鉞芒寓氣螳穴
潰隄知慮不周扞防不密則壇場之虞不生所玩吁可
懼哉然山川阨塞非圖莫見兵財盈虛非書莫著是故
軍防有錄譔于天寶九州別錄上于貞元禦戎新錄奏
于元和元振述安邊之策敬輿條備邊之失前英後傑

惟籌幄畫詳已然之變忽未動之憂寢薪為安折柳為固
猷之不遠冠將生心德裕身佩西垂之任得不為南鄙
慮乎方唐盛際德威溥暢北虜突厥東憺遼海窮髮反
景悉主悉臣文恬武嬉喪羊于易吐蕃間釁河隴失險
締縱南詔協以謀我岷江飲馬倚為先鋒井絡紳垠我
園孔棘有守曰臯鑿青谿道要結蠻好犄鹿效順篔簹集
事狀為卷十七質幣結轍聞戶誨盜戎瞻雖鷲蠻旣始
牙架入成都如升虛邑唐之君臣且盱食矣疇谷良翰

擣失刷耻爰命德裕抗旌秉鉞葺殘奮怯改紀其政乃
建籌邊之樓凡險要與蠻相入者圖之左與戎密通者
圖之右而部落饋餽靡不察乃立雄邊之軍其精兵曰
南燕及連弩騎士曰飛星及突騎而農戰器械靡不飾
大度孰制城以杖義榮經孰控城以禦侮西山郭阮城
以柔遠復邛崃關徙越窩治而蠻之齒寒怛謀納款維
川歸壁而戎之氣奪猶虜敵去而備弛也兵將糧械之
數城鎮種落之名歲計經用之目講求利病輯為一書

諸郡固實外夷情狀明分縷析粲如指掌翔立碑壘咸
以朱書總會小圖標之首卷而第四卷叙維州本末尤
悉書成于大和六禩迨會昌中秉國之均始奏上之觀
諸文集猶有可攷二邊方騷而金湯之二虜孔熾而雷
震之匪石畫沈幾曷克臻茲藏之禁嚴副在邊瑣日戒
夕惕庶克有定大中而後悵憂好暇懷燕安之毒玩鷲
擊之形河湟歸疆西顧無騎堪矣厲階之梗惟蠻為其
粘糠及米絲劍而嶺乾符之季有臣雲虔自邕管涉川

陸四十七程至善闡以南詔錄三卷獻于朝吁德裕之
錄以蜀備蠻藩籬之寇也雲虔之錄以邕備蠻則闕然
入戶庭矣優先於事事至而憂奚翅銖石之差與據舊
鑿新不可不察患于微眇也易之蹇曰利西南必有六
二匪躬之且而後能濟蹇難德裕以之按唐藝文志是
錄列在兵書今館閣書目存者一卷餘軼不傳我思古
今愛莫起之撫陳編而三歎謹序

玉海卷二百四

玉海後序

鴻濛既判六經載道歷代諸儒著述辨析至宋而道復
大明事類之書亦至宋而益廣廣其述者厚齋先生為
最焉先生由詞科擢登秘府讀天下之書而識于一心
以一心之所識而著述玉海之一書極天地萬物與夫
古今禮樂制度咸備于此秘藏于家迨今百有餘載至
元丁丑歲淞東宣間都元帥資德公知是書而發其秘
俾鈔梓以廣其傳是時經歷賈君亨都事耿君朶羅歹

來贊賓幕俱滿意斯文以是書為己任盡心協力克成厥功而元德實奉檄董其役閱二載而刊始完嗟夫是書也昔為王氏家藏之書今則為天下之書矣以先生一心之微博覽天下之書而著于一書今復以是書而行于天下其惠後學也豈小補哉若夫論著書之旨要已見于序文愚不復贅姑記刊書歲月之始末于卷後庶使後學之士知是書之幸傳于世不易也至元六年四月朔日勤郡文學正東嘉薛元德序